



АКАДЕМІЯ
СВЯТОМУ

Царю некупителю
Николаю Второму
Александровичу

ТАИНСКИИ

Тверская епархія РПЦ

2011 годъ

Кондакъ 1

Богоизбранне Русі искупленіе и Христовой любви воплощеніе, воспѣваемъ Ти похвальная, яко паче всѣго Отечество возлюбившему, Ты же, яко имѣя дерзновеніе ко Господу, просвѣти омраченныя умы и сердца наша, да зовемъ Ти: Радуйся, Царю Николае, вины народа русскаго искупителю! *(Поклонъ)*

Икосъ 1

Ангеловъ Творецъ посла Тя Землѣ Россійстей, яко Ангела незлобія и вразумленія къ народу Твоему, Ты бо избра по образу Сына Своего Единороднаго въ жертву искупленія за вину народа русскаго, мы же, дивящися такому о Тебѣ промышленію Вседержителя, съ умиленіемъ вопіемъ Ти:

Радуйся, Христу уподобленіе!

Радуйся, жертво всесожженія!

Радуйся, всѣя Россіи украшеніе!

Радуйся, русскія страны утвѣржденіе!

Радуйся, незлобія и всепрощенія образъ подавый!

Радуйся, путь ко спасенію указавый!

Радуйся, обидимыхъ неложное упованіе!

Радуйся, вѣры нерушимое основаніе!

Радуйся, Царю Николае, вины народа русскаго искупителю! *(Поклонъ)*

Кондакъ 2

Видящи Всеблагая Богоматерь во удѣлѣ Своѣмъ страну нашу мѣрзостію растленія оскверняемую, избра Ты отъ рожденія, яко чистѣйшаго, Руси бо во очищеніе, да вси надгробное рыданіе Тебѣ творимъ пѣснь: Аллилуіа.
(Поклонъ)

Икосъ 2

Разумъ Предвѣчный предувѣде Тя ко спасенію и житію
Твоему прообразование Іова Многострадальнаго,
рожденіе Твое и память Праведника сочетавая. Мы же,
грѣхъ невѣрности и беззаконія наша Тебѣ поминающе,
съ трѣпетомъ сердечнымъ и сокрушеніемъ душевнымъ
вопіемъ Ти сице:

Радуйся, хулы и напасти отъ народа Твоего
претерпѣвый!

Радуйся, состраданіе къ нему до конца имѣвый!

Радуйся, вѣру до конца сохранивый!

Радуйся, образе кротости!

Радуйся, свѣтільниче правды!

Радуйся хранителю истины!

Радуйся, правило смиренія!

Радуйся, Христу уподобленіе!

Радуйся, Царю Николае, вины народа русскаго
искупителю! *(Поклонъ)*

Кондакъ 3

Сила Вышняго осени Тя, Боговѣнчанне
Царю-искупителю Николае, лжемудрствующу западу
вразумленіе противоратное предложившаго, да міръ
Богу возопіетъ: Аллилуіа. *(Поклонъ)*

Икосъ 3

Имѣя тщаніе о вразумленіи заблудшихъ, поревноваль
еси Благовѣрный Царю: храмовъ созиданію, мощей
святыхъ угодниковъ Божіихъ прославленію,
просвѣщенія христіанскаго насажденію и
обездоленныхъ отъ насилія огражденію, да міръ

христіанській вопієть Ти́ така́я:
Радуйся, святи́теля Никола́я на землі́ соимені́те!
Радуйся, преподо́бнаго Серафі́ма на Небеси́
сомолитвенниче!
Радуйся, Православі́я насади́телю!
Радуйся, Свѣ́та Христо́ва носи́телю!
Радуйся, терпѣ́нія Христіанско́го учи́телю!
Радуйся, Правосла́внымъ Христіа́номъ заступни́че!
Радуйся, оби́телей монашески́хъ созида́телю и
покрови́телю!
Радуйся, правосла́вны́хъ стра́нъ защи́тителю!
Радуйся, Царю́ Никола́е, ви́ны́ наро́да русска́го
искупи́телю! (*Поклонъ*)

Кондакъ 4

Бури́ безумі́я и злорѣ́чія не убо́яся еси́,
Царю́-искупи́телю Никола́е, егда́ согласи́е со враги́ на
па́губу Оте́чества отве́ргль еси́, злохуле́нія, заточе́ние и
умерщвле́ние претерпѣ́въ, вопі́я Бо́гу
Вседержи́телю:
Аллилу́іа. (*Поклонъ*)

Икосъ 4

Слы́шаще Державы́ Росси́йскія нестро́е́ние и ви́дяще
христіа́нъ разоре́ние, моли́лся еси́, не преста́вая, да
спасе́тъ Всеблагая́ Мати́ Цари́ца Богороди́ца Русь
Правосла́вную, и услы́шанъ бы́лъ еси́ отъ Не́я. Сего́
ради́ вопі́емъ Ти́:
Радуйся, моли́твы кади́ло благово́нное!
Радуйся, лампа́до вѣ́ры неугаси́мая!
Радуйся, буйству́ющихъ кро́тостию́ вразумле́ние!

Радуйся, неутѣшныхъ въ скорбѣхъ утѣшеніе!
Радуйся, Небѣсныхъ Благъ любителю!
Радуйся, Правды Божія ревнителю!
Радуйся, искупленія народа ради чашу страданій
испивый!
Радуйся, изувѣрства враговъ своихъ предъ всѣмъ
міромъ обличивый!
Радуйся, Царю Николае, вины народа русскаго
искупителю! *(Поклонъ)*

Кондакъ 5

Боготѣчная звѣздо русскимъ людямъ въ разсѣяніи
сущимъ явился еси, Царю-искупителю Николае, о
имени Твоемъ во едино ихъ собирая и Путь Христовъ къ
воскрешенію Святыя Руси показуя, да поють Ангели
пѣснь о кающихся грѣшницахъ: Аллилуіа. *(Поклонъ)*

Икосъ 5

Видя, яко кротость и смиреніе Твое ничтоже
успѣвають, всѣ упованіе на Пречистую возложилъ еси и
въ руце Вседержителя всѣго Себя предаль еси, да и
безумныя вразумить во еже пѣти Тебѣ:
Радуйся, гордыни побѣдителю!
Радуйся, Вѣнца Небеснаго носителю!
Радуйся, богоборныхъ родовъ искоренителю!
Радуйся, измѣны нашея искупителю!
Радуйся, немощныхъ стено неборимая!
Радуйся, къ людямъ Своимъ любовь преизобильная!
Радуйся, къ заблудшимъ душамъ сердце милосердное!
Радуйся, за русскую землю жертво усердная!
Радуйся, Царю Николае, вины народа русскаго

искупителю! (Поклонъ)

Кондакъ 6

Проповѣдуютъ концы вселенныя славу Твою, во всю землю изыде слово Твое, яко несть тоя жѣрты, юже не принесль быхъ за благо Отѣчества Своего, научая тѣмъ люди Твоя благодарственно пѣти Богу: Аллилуіа. (Поклонъ)

Икосъ 6

Возсіалъ еси паче солнца земли Русской, Святыи Царю-искупителю Николае, подвигомъ Своимъ показавый, яко воистину Царь былъ еси, Православному народу заступленіе даже до смѣрти явивый, да вси ко Христу обращаются и къ Тебѣ прибѣгаютъ. Сего ради воспѣваемъ Ти таковая:

Радуйся, свѣте отъ востока исшѣдый!

Радуйся, образе Царемъ Православнымъ!

Радуйся, Правды Божія сіяніе неистощимое!

Радуйся, кротости свѣтило незаходимое!

Радуйся, грѣшниковъ отчее вразумленіе!

Радуйся, праведниковъ усѣрдное прославленіе!

Радуйся, таинниче Божественныя славы!

Радуйся, столпе и утвержденіе Россійскія Державы!

Радуйся, Царю Николае, вины народа русскаго искупителю! (Поклонъ)

Кондакъ 7

Хотяи вѣру Православную на земли утвердити, подвигнуль еси все Царство Твое на заступленіе обидимыя страны Сербскія, да вси вопіють Богу:

Аллилуіа. (Поклонъ)

Икосъ 7

Новаго Тя Ноя, строителя спасенія народу русскому яви
Господь, да вся труды Твоя поминающе, непрестанно
воспѣваем Ти сицевая:

Радуйся, русскаго корабля водителю!

Радуйся, славянъ въ бѣдахъ утѣшителю!

Радуйся, Сѣрбстей страны заступленіе!

Радуйся, вѣрныхъ отчее окормленіе!

Радуйся, просвѣщенія устройтелю!

Радуйся, отеческихъ преданій хранителю!

Радуйся, христіанскихъ добродѣтелей насадителю!

Радуйся, грѣховныхъ страстей искоренителю!

Радуйся, Царю Николае, вины народа русскаго
искупителю! (*Поклонъ*)

Кондакъ 8

Странное чудо видимъ на Тебѣ, Царю Николае,
десницею Вышняго многожды спасаему, со чады же и
сродники яко овча на закление ведомъ, мученическимъ
вѣнцемъ вѣнчаемомъ, да Богу Промыслителю
всяческихъ вопіемъ: Аллилуіа. (*Поклонъ*)

Икосъ 8

Всѣмъ Христіаномъ заступникъ явился еси,
Богоизбранне Царю Николае, сугубое заступленіе
народомъ славянскимъ показуеши, на похвалу подвизая
пѣти Тебѣ:

Радуйся, защито обидимыхъ!

Радуйся, вразумленіе обидящихъ!

Радуйся, скорбныхъ прибѣжище!

Радуйся, гонимых заступниче!
Радуйся, въ житіи Твоемъ миротворче!
Радуйся, по убіеніи Твоемъ Христіаномъ поборниче!
Радуйся, малого стада Христова несокрушима́я ограда!
Радуйся, кознемъ антихриста неодолима́я преграда!
Радуйся, Царю Николае, вины народа русскаго
искупителю! *(Поклонъ)*

Кондакъ 9

Всякими чудесы́ яви́ Господь благоволеніе Своё
русскимъ людемъ, дондеже преогорчи́ша Господа зело
міролюбіемъ и маловѣріемъ, но Тобою къ Покаянію
призываемы, купно воспоймъ Богу: Аллилуіа. *(Поклонъ)*

Икосъ 9

Вѣти многовѣщанныя, яко рыбы безгласни, не
возмогутъ возрѣщи высоту Твоего терпѣнія, мы же
глубину паденія нашего созерцающе, въ сокрушеніи
духа взываемъ:

Радуйся, Императоре Россіи единыя!
Радуйся, Государю Державы неделимыя!
Радуйся, тайнь державныхъ верховный хранителю!
Радуйся, дѣль Божіихъ первыи ревнителю!
Радуйся, образе Царя Небеснаго одушевленный!
Радуйся, яко агнецъ на закланіе веденный!
Радуйся, образъ вѣрнымъ въ житіи и мученичестей
кончине давай!
Радуйся, за грѣхъ земли Своёй пострадавай!
Радуйся, Царю Николае, вины народа русскаго
искупителю! *(Поклонъ)*

Кондакъ 10

Спасти́ся хотя́й всѣмъ челоуѣкомъ, иже на крови мучениковъ Свои́хъ Цѣрковь основа́ый, Сердцевѣдецъ Христосъ положи́ Тя, Святы́й Царю-искупителю Николае, во основаніе новыя храмины Державы Руси Святыя, да вси въ не́й суція вопіють Богу: Аллилуіа.
(Поклонь)

Икосъ 10

Стена еси́ всѣмъ къ Тебѣ съ вѣрою прибѣгающимъ и необоримое огражденіе міру Православному явилъ еси́, научая вся вѣрныя славити Тя си́це:
Радуйся, на земли Небесныхъ явленіе!
Радуйся, оскудевающихъ добродѣтелями восполненіе!
Радуйся, заре, въ земли Русской возсіявшая!
Радуйся, реко, все предѣлы еѣ напитавшая!
Радуйся, смиренномудрїа учите́лю!
Радуйся, вѣры и любви насадителю!
Радуйся, Пасхо русская, Святой Руси воскрешеніе!
Радуйся, русскихъ людей во истинѣ соборное единеніе!
Радуйся, Царю Николае, вины народа русскаго искупителю! (Поклонь)

Кондакъ 11

Пѣніе Пресвятѣй Троицѣ даже до смѣрти принося, теченіе скончалъ еси́ и вѣру соблюлъ еси́, ёюже вся Православныя Христїаны подвизаеши пѣти:
Аллилуіа. (Поклонь)

Икосъ 11

Свѣтодатель посланъ бѣвъ земли нашей, яко Агнецъ непорочный, полагаешися во искупленіе грѣха измѣны

народа русскаго, да вси непрестанно Тя славимъ:
Радуйся, боголюбе́зная жéртво!
Радуйся, вѣрности Христо́вы похвало!
Радуйся, любвеобиліе неисто́щимое!
Радуйся, вѣяніе Духа незрѣ́мое!
Радуйся, зеркало премудрости!
Радуйся, ненаде́ющихся наде́ждо!
Радуйся, воинамъ Христо́вымъ во бранехъ огражде́ніе!
Радуйся, русскаго народа изъ ада возведе́ніе!
Радуйся, Царю Николае, вины народа русскаго
искупителю! (*Поклонъ*)

Кондак 12

Божественная Благодать нѣмо́щная врачу́ючи,
предувѣде Тя, святы́й Царю-искупителю Николае, яко
врачевство неисто́щимое владомым Твои́мъ, о грѣхехъ
свои́хъ каю́щихся и подви́гъ Твои́хъ воспѣва́ющихъ, Богу
же вопи́ющихъ: Аллилу́иа. (*Поклонъ*)

Икос 12

Поюще страданія Твоя, Святы́й Царю-искупителю
Николае, покланяе́мся терпѣ́нію Твоему, яко си́лѣ
Всемощныя Троицы явльшейся на Тебѣ́, да вси
согласно вопіе́мъ:

Радуйся, возлюбленное чадо Христо́во!
Радуйся, Царство Небесное стяжавый!
Радуйся, Цари́цѣ правѣ́дною и мученицею бы́ти
пособствова́вый!
Радуйся, непорочная Чада Твоя и вѣрныя слуги ко
Христу приве́дый!
Радуйся, Оте́чества че́сти не посрамивый!

Радуйся, народъ Твой Истинѣ наставивый!

Радуйся, силу свыше на одолѣніе враговъ подающій!

Радуйся, коварство и злобу бѣсовъ видимыхъ и невидимыхъ низлагающій!

Радуйся, Царю Николае, вины народа русскаго искупителю! *(Поклонъ)*

Кондак 13

О, пречудный и преславный Царю-искупителю Николае, призри на Царство Твое земное, врагами разоряемое, и люди Твоя, иноплемѣнниками и безбожниками угнѣтаемыми, всякаго бо отвѣта о грѣсѣхъ измѣны нашея недоумѣемъ, но умоли Вседержителя, да не внидетъ въ судъ съ нами, но даруетъ намъ покаяніе и исправленіе и сподобитъ непрестанно воспѣвати:

Аллилуіа. *(Поклонъ)*

Сей кондакъ глаголи трижды.

Посемь икосъ 1 и кондакъ 1.

Тропарь. Гласъ 4

Жертвѣ Христовой въ подобіе, / яко Агнецъ непорочный, / волею полагаешися во искупленіе / грѣхъ измѣны народа русскаго, / Царству въ себѣ раздѣльшемуся / Собою даруеши исцѣленіе, / о, святыи Царю искупителю Николае, / страданія Твоя смертныя славимъ, / ими бо Царство Русское воскрешается / во славу Царя Небеснаго, / и во спасеніе душъ нашихъ. *(Поклонъ)*

Моли́тва

О, Святы́й Царю́ икупите́лю Николае, спаси́ Росси́ю отъ Соборны́я сме́рти и моли́ Бога спасти́ся душа́мъ нашимъ. Ами́нь.

Исповѣдательная моли́тва

О, предивны́й Угодниче Христовъ, Богомъ данный, Богомъ избранны́й, Богомъ водимый, Святы́й Царю́ икупите́лю Николае; о Тебѣ́ же рече́ Господь свидѣ́тельствовавъ: обрѣ́тохъ Дави́да, мужа по Сѣрдцу Моему, и́же сотвори́тъ вся Хотѣ́нїя Моя.

О, неусы́пный Ревни́телю Христи́анскаго Благоче́стїя, добропобѣ́дный Защи́тнице и Покрови́телю Христовы́ Цѣ́ркви, Великодержавны́й Оте́ць Оте́чества нашаго! Ты на Царство Русское Божіимъ изволе́ніемъ, а не мяте́жнымъ чело́вѣческимъ хотѣ́ніемъ возоше́ль еси́ и Христу́ Царю́, яко Уде́рживающій тайну́ беззаконїя послужилъ еси́; наипаче́ Спаси́телю нашему́, Господу́ Иису́су Христу́ во икупите́льномъ подвигѣ́ уподобилъ еси́. Креста́ Сво́его не отве́ргль, и смире́ніе свидѣ́тельствоваше, рѣ́кше: аще́ Богу́ потре́бна икупите́льная же́ртва за грѣ́хъ моего́ народа, для спасе́нїя Росси́и, азъ буду́ ёю, да сверши́тся Воля́ Божїя.

О, Святы́й Царю́ икупите́лю Николае, Ты не то́кмо глагола́ль, но вся благопотре́бныя подвиги́ для спасе́нїя Росси́и славно понёсль: народъ́ Свой́ Безкровной Же́ртвѣ́ подобно́ на Екатери́нбургско́й Голгофѣ́ кровію́ Царско́ю икупилъ еси́ и тѣ́мъ горькую́ чашу́ отлуче́нїя отъ Пресвяты́я Троицы́ въ се́мъ и въ будущѣ́мъ вѣ́цѣ: вѣ́чныхъ муче́нїй и истребле́нїя съ лица́ земли́, отъ

народа клятвопреступнаго отврати́ль, и наипаче грядущее воскресеніе Святой Русі Своимъ Христоподобнымъ подвигомъ содѣлалъ еси.

Яко Царь Царей грѣхъ всѣхъ человѣкъ на Голгофскій Крестъ вознёслъ и Своєю Честною Кровію омы́ль, тако и Ты для спасенія Россіи во образъ Искупительной Жертвы Христа Царя, грѣхъ измѣны народа русскаго на Екатеринбургской Голгофѣ кровію царскою омы́ль, и яко Господь Своими Крестными Страданіями и Безгрѣшной Смѣртію всего Адама отъ проклятія, ада и вѣчной смѣрти спаслъ еси, тако и Ты, Святы́й Царю искупителю Николае, святою смѣртію Своєю и кровію для спасенія Россіи пролитою, отъ страшнаго проклятія въ семь и въ будущѣмъ вѣцѣ, отлученія отъ Пресвятыя Троицы, иудъ новыхъ, Богу данный Благочестивый Соборный Обѣтъ преступившихъ и до нынѣ престающихъ, спаслъ еси и всѣму народу русскому прошеніе грѣха сего у Христа Царя испросилъ еси.

И яко Господь, поправши сі́лу діаволу, триднёвень воскреслъ, тако и ради крестной искупительной жертвы Твоей Русь Святую отъ Соборныя смѣрти воскресить и Царя побѣдителя на Святомъ Престолѣ паче утвѣрдить, да прославится убо во Святой Русі Всесвятое Имя Господа Бога нашего, въ Троицѣ Еди́наго, Славимаго и Поклоняемаго: Отца, и Сына, и Святаго Духа, Егоже ёсть Царствіе, и Сі́ла, и Слава, Чѣсть и Поклоненіе, нынѣ, и присно, и во вѣки вѣковъ. Аминь.

Покаянная молитва Святому Царю искупителю

О, Святы́й Царю искупителю Николае, услы́ши ны́нѣ многоболѣзненный вопль насъ, погибающихъ чадъ Твои́хъ, изъ тьмы грѣха къ Тебѣ, Державному Отцу нашему взывающихъ. Призри милостивно на бѣды и страданія наша и Путѣмъ Спасенія изведи́, яко Христось изъ бѣздно адовой всемошноу Твоею молитвою. Понеже согрѣшихомъ въ слѣпотѣ безумія нашего паче всѣхъ челоуѣкъ на земли: отвѣргошася Царя Небеснаго и Тебѣ христа земнаго; Слово Божіе презрѣша, Помазанниковъ Господнихъ хули́ша, Святое Призваніе Божіе попраша и сатанѣ беззаконіями поработишася. Богу, данный благочестивый Соборный Обѣтъ вѣрно служить Самодержавнымъ Царямъ изъ Дома Романовыхъ и всенародную Присягу дерзко преступи́ша, и цѣлованіе Креста и Евангелія ни во что вмениша. Тѣбѣ же, Помазанника Божія съ царственною Супругою Александрою, Чадами Твоими: Царевичемъ Алексіемъ, Царевнами Ольгою, Татианою, Маріей и Анастасіей, вѣрными друзьями и слугами твоими, иудиной измѣной въ руке сыновѣй діавола на оклеветаніе, порутаніе и пропятіе предали еси́. Сего ради, начать Господь отступниковъ въ Разумъ Истины лютыми скорбями приводи́ти и подь иго жидовское Россію отдалъ еси́. Дабы познали люди Русскіе, како Бога и Помазанника Его отвѣргатися, а діавола и клеверѣтъ сатаниныхъ слушати.

О, бѣздна адская паденія нашего! Ко́ею грѣха отъ дружбы съ силой тѣмною не содѣлали, кое нечестіе не сотворили, кое зло въ серце́ своемъ не помыслили!

Господи Милосердный, помилуй насъ! Ради молитвъ Святаго Царя искупителя Николая Александровича расторгни окамененныя грѣхомъ сердца наша и изведи изъ насъ, яко воду живу, слезы покаянія; да услышать вси люди русскіе сокровенный Гласъ Твой, Господи: како бо можете служити Царю Небесному, аще бо Царя земнаго предали есте; сотворите прежде достойный плодъ Покаянія за грѣхи отцевъ вашихъ, омойтея и очиститея, исправте сердца ваша двоедушныя, и уразумейте, яко Россія безъ Царя, како и челоуѣкъ безъ главы, есть трупъ смердящій.

Сего ради, прими, убо Господи, мое Покаяніе, и молитвами Святаго Царя искупителя Николая Александровича спаси и помилуй [(имярекъ) и] всѣхъ сродниковъ моихъ и вся люди Русскія благочестивый Соборный Обѣтъ 1613 года преступившихъ и до нынѣ престапующихъ, всѣхъ ненавидящихъ и обидящихъ насъ и творящихъ намъ напасти, и аще возможно есть, взыщи, Господи, погибшія души отцевъ, и братій, и сестръ нашихъ. Прости неправедно возстающихъ на насъ и не остави погибнути душамъ ихъ, но спаси всѣхъ ради Славы Имени Твоего Пресвятаго: Отца, и Сына и Святаго Духа, яко Твое есть Царствіе, и Сила, и Слава нынѣ и присно во вѣки вѣковъ. Аминь.



Печатается по благословенію
преосвященнаго Корнилія, епископа Тверскаго
26.12.2011